

## ҚУЁШ ШАРҚДАН ЧИҚАДИ<sup>1</sup>

Маълумки, халқлар орасидаги маданий алоқалар инсониятни узлуксиз тадрижий ривожланишга олиб келади. XIX асрнинг бошларидан Россияда Шарқ маданиятига, тарихига, фалсафасига ва адабиётига эътибор кучайди. “Вестник Европы” ва бошқа журналларда Шарқ халқлари фольклори, адабиёти, фалсафаси ва санъатига оид қўплаб мақолалар, таржималар эълон қилинди.

Рус китобхонлари Қуръони карим, “Минг бир кечা” билан, Фирдавсий, Саъдий, Ҳофиз, Навоий каби ўнлаб муаллифларнинг асарлари намуналари билан танишди. Ўша даврларда Жуковский, Пушкин ва бошқа номдор ёзувчи ва шоирлар Шарқ ижодкорлари асарлари намуналаридан қувват олганлиги уларнинг ижодида сезилиб туради<sup>2</sup>.

1890 йилнинг бошларида Москва саҳҳофларидан бири Иван Бунинга Шайх Саъдийнинг “Гулистан” асарини совға килади. Ёзувчи бу ҳолатни қўйидагича эслайди: “Москвада букри, қария саҳҳофнинг китоб дўкони бўлар эди... Эсимда қиши, дўкон жуда ҳам совуқ бўлганидан нафасимдан буғ кўтарилад, мен чўккалар ўтирган ҳолда хона бурчагида бетартиб қалашиб ётган китобларни титкилаб кўрап эдим. Кекса дўкондар эски курсида ўтирад, чой ҳўплар ва мендан ўткир нигоҳини узмас эди.

- Демак, сиз ҳам ёзувчисиз, йигитча?
- Ҳа, ёзиб тураман.
- Сиз Саъдийнинг “Гулистан”ини ўқиганмисиз? Мен сизга бу китобни эсадалик учун совға қиласман. Бу асарда ҳақиқий олтин сўзлар бор. Сиз эса айниқса Саъдийнинг мана бу сўзларини яхшилааб эслаб қолинг: “Ҳар қандай хазинани юз бошли аждар қўриқлади”. Ушбу фикрни чуқур тушуниб олиш керак. Бу сизга адабиёт соҳасига киришингизга оқ фотиҳам бўлсин.

Ёзувчи зоти бугунги кунда жуда майдалашиб кетди. Биласизми нима учун? Уларнинг фикрича хазинани ҳеч қандай тайёргарликсиз, жуда осонлик билан қўлга киритиш мумкин. Йўқ, бундай бўлмайди. Бу ерда нафс учун эмас, ҳаёт учун тўхтовсиз кураш кетади. Бу қарама-қаршилик инмон “тўрт оёқлик чўбин от”га мингунича шиддатли давом этаверади. Сиз ушбу фикрлар кимга мансуб эканини биласизми? Бу сўзларни Саъдийнинг юқоридаги асаридан келиб чиқиб А.Пушкин айтган. Буларни мен саҳҳоф Богомоловдан эшитганман”<sup>3</sup>.

XIX аср охирлари – XX аср бошлари руч халқи ҳаётида, адабиётида, фалсафаси ва тарихида кучли ўзгаришлар даври бўлди. Ҳаётни тубдан ўзгартиришга даъват этувчи шиорлар, чақириқлар, кунданғкун кўпайиб борди, натижада адабиётда ҳам турли оқимлар пайдо бўлди, уларнинг аксарияти бадииятдан йироқ эди. Натижада баъзи ёзувчилар ўз ижодини Шарқ тарихи, фалсафаси ва маданияти билан боғлаб, янги, инсоният рухиятига яқин оҳанглар ва мавзуларни топди.

И.Бунин Саъдийнинг “Бўстон” ва “Гулистан” асарлари ҳамда “Қуръон” билан танишар экан, уларнинг очиқ дидактик, тарбиявий жиҳатлари Ғарб адабиётидан фарқ

<sup>1</sup> Мустафо Байэшанов. Солице восходит с Востока // Звезда Востока, 2015, №4. – с.99-102.

<sup>2</sup> М. Байэшанов. Восток в творчестве И.Бунина // Казаховедение (г. Чимкент), 2015, №2, с. 119-126; М. Байэшанов. Амир Темур в русской прозе XX века // Казаховедение, 2013, №4, с. 80-88.

<sup>3</sup> Бунин И.А. Собрание сочинений в 9 томах, Т.9. – Москва: “Художественная литература”, 1967. – с. 277-278 – Уибӯ парча таржимаси бизнеки – М.Б.

қилишни тушунди ва ўзи учун янги бир дунёни кашф этди. Адибда ана шу китобларда кўрсатилган мамлакатларни зиёрат қилиш иштиёқи пайдо бўлади. 1903 йилда саёҳатга отланар экан, ўзи билан Қуръони каримни ва Саъдий асарларини олади ва уларни ҳар куни, мунтазам мутолаа қиласиди. Рус адиби қадимги Миср, Сурия, Фаластин каби мамлакатлардан кучли таассурот олади.

Саёҳат давомида унга ҳамроҳлик қилган турмуш ўртоғи Вера Николаевнанинг таъкидлашича, Бунин бу даврда Саъдийнинг “Бўстон” ва “Гулистан” асарларини ўқиш билан бирга, уларни рус тилига эркин таржима қила бошлияди. Ўз таржималарини у “Саъдийнинг “Бўстон” достонидан” деб номлаган. Шоир Саъдий асарларидан жаъми 11та шеърий парчани рус тилига таржима қилган.

Умуман, Саъдий асарлари таржимаси XX аср бошларида немис тилидан рус тилига Н. Урри томонидан амалга оширилган ва Петербург шаҳрида чоп этилган. “Гулистан” ва “Бўстон” асарларининг тўлиқ илмий нашри таржима ва шарҳлар билан бирга 1968-1969 йилларда “Шарқ ҳалқлари адабиёти дурдоналари” номли катта туркумда нашрдан чиқарилган.

Шарқ ўзининг мафтункор жилоси билан Бунинни ром этган ва у ушбу минтаقا мамлакатларига етти марта саёҳат уюштирган. Бунинг натижасида “Кавсар”, “Каъбанинг қора тоши”, “Аё-София”, “Яшил байроқ”, “Истанбул”, “Тамжид”, “Сир”, “Шероз гуллари”, “Сулаймон тахти”, “Шарққа”, “Зайнаб”, “Қуёш қасри” каби кўплаб шеърий ва насрый асарлар дунё юзини кўрди.

Эҳтимол, Буниннинг Шарқдан олган кучли таассуротлари инсон ва табиат, ҳаёт фалсафаси, ҳаёт ва ўлим қарама-қаршиликлари, инсон ва табиат бирлиги, ҳалқлар ҳаётидаги ўхшашликлар каби масалаларга эътиборини қаратишга сабаб бўлгандир. Балки, айни шу сабабдан Бунин ислом динига, фалсафасига ўта ҳушёрлик ва нозиклик билан ёндашган бўлса ажаб эмас. У 1910 йилда “Одесский листок” газетасида чоп этилган интервьюсида мухбир саволига “Мен умуман Шарқни ва унинг динини севаман”, деб жавоб берган. Шоир “Кавсар” ва бошқа асарларида Қуръони карим оятларидан иқтибослар келтирган ва бу билан шеърдаги кўповозликни, сероҳангликни таъминлаган, унга янгича руҳ бағишилаган. Шоир ҳалқлар ва замонлар орасидаги муштаракликни шундай тараннум этади:

*Вақт келиб, рўёдан қутулар пайтда  
Борлиқ нурга сингиб кетса ногаҳон:  
Вужсуд мавжудликда тугилар қайта –  
Руҳ жсаннатни мангу этганда ошён<sup>1</sup>.*

Иван Буниннинг Шарқ мавзусидаги шеърлари психология нуқтаи назардан ишонарли тасвирлангани, диний урф-одатларнинг христианлар воқелигига қарама-қарши қўйилмагани билан ажralиб туради. Яъни, мавлоно Жалолиддин Румий каби, Бунин ҳам барча динлар замирида эзгулик ётганини теран тушуниб етган<sup>2</sup>.

Замонлар ўтади, инсонлар ақлий, руҳий, маънавий баркамоллика интилаверади. ----

1 Маколада ушбу ва кейинги ўринларда Иван Бунин шеърларидан келтирилган намуналарни иқтидорли шоир Ҳаёт Шодмон ўзбек тилига таржима қилган. – М.Б.

2 Жалолиддин Румий (1207-1292) казо қилганида мусулмонлар, христианлар ва яхудийлар баравар аза тутишган экан.

Замон ва маконда кечган бу интилишлар, Шарқ халқларининг ижобий тарафлари Фарбга ўз таъсир кучини сингдиргани шоир ижодида янада яққол кўриниб бораверади. Умуминсоний қадриятларга эҳтиром, боқийлик, хотира, мангулик шоир лирикасида етакчи ғояларни ташкил этади.

Ҳаёт ва мамот ўртасидаги узлуксиз кураш, инсон тақдирининг азалийлиги Бунин лирикасининг яна бир лейтмотивидир. У ўзининг “Йўлчи юлдузлар” шеърида шундай ёзган:

*Сўнгакларга тўла дема сўқмоқлар,  
Босган ҳар қадамга ўқи саловат:  
Тилагани оқ йўл руҳлари шодлар –  
Елка тутганларга ёғилсин раҳмат...*

Шеърдаги лирик қаҳрамон – ўзида эзгуликни, одоб – ахлоқ мужассам этган оддий, номсиз бир инсон. Бунин ўзининг “Саъдий ўйтларидан” асарида: “Хурмо дарахтидек тўғри ва улуғвор бўл”, деб ёzádi.

Айтганимиздек, ёзувчи ижодида Шарқ халқлари урф-одатлари, фалсафаси, адабиёти ва маданияти муҳим ўрин тутиши билан бирга унинг асарларида, айниқса, буюк Соҳибқирон Амир Темурнинг бадиий сиймоси алоҳида ўрин тутади. Амир Темурнинг Европа мамлакалари, хусусан, Испания, Англия, Франция ва бошқа мамлакатлар билан олиб борган ижтимоий-сиёсий алоқалари самараси сифатида бу мамлакатларда ушбу улуғ шахс ҳақида кўплаб бадиий асарлар дунёга келгани маълум.

Шарқ мамлакатлари тарихида бундай хоконлар Соҳибқиронга қадар учрамаган. Унинг халқ тинчлиги ва озодлиги йўлидаги ҳаракатлари Бунинга кучли таъсир қиласади. Шу боис У Амир Темурга бағишлаб асарлар ёzádi.

“Современник” журналининг 1913 йил 4-сонида шоирнинг “Ёқут” номли шеъри чоп этилган:

*Темур ўғлини синаши учун икки тоши –  
Ёқут бирла яинар чўг кўмири тутди:  
Ота ҳукми вожиб! Қотирмай ҳеч боши –  
Амирзода жсимгина амр кутди.  
Билса ҳамки жон аччиқ, илки куйиб,  
Холидан ҳол ишора йўқлаб куйди:  
Худо эса, отадан кўпроқ суйиб  
Боланинг кафтига пулаб кўйди!*

Асарда Темур ўз ўғлини иродасини, хушёrlигини, ақл-фаросатини синаб кўриш учун иккита ялтироқ нарса келтиргани, Худонинг каромати туфайли чўғга бораётган гўдак қўли лаълга бурилгани ҳақида сўз боради. Шоир Худонинг иродаси инсон ақлидан юқори деган тўғри хулосага келади.

“Летописи” журналиниң 1916 йил октябрь сонида Иван Буниннинг Соҳибқиронни дунёга келтирган онага бағишиланган “Ўрда” номли шеъри эълон қилинади. Шоир ўз асарида узоқ ўтмиш воқеаларини хотирасида қайта тиклаб, ўша олис манзараларни аниқ, жонли, аслига мос равишда ёрқин ифодалаган. Айтиш мумкинки, ижодкор истеъоди унга асрлар оша узоқ ўтмишнинг жўшқин ҳаётини аниқ кўриш ва тасвирлаш имконини берган.

Иван Бунин бу асарида Амир Темурнинг шиддат-шижоатини ва Соҳибқирон Онасига хос мағрурликни мадҳ этган:

Эй муnis, муштипар, кўзлари нигор,  
Билармидинг раҳм кўтарган юкни:  
Кучогингда ором топган беозор,  
Дунёга келтириб шахси буюкни –  
Хонуми бўлганинг Соҳибқиронга?!

Орадан бир неча йил ўтиб Бунин яна буюк Амир Темур образига мурожаат қиласди. Адаб 1921 йили, яъни муҳожирликда яшай бошлиган даврида машҳур “Темурхон” фалсафий ҳикоясини чоп этади. Унча катта бўлмаган бу ҳикоя ўзининг теран фалсафий моҳияти, маъно ва мазмуни, тарихий ҳодисаларга ишоралар кўплиги билан эътиборга лойик:

“Бу ёрг оламда Темурбекдан шонлироқ, шавкатлироқ хон бўлмаган. Ой ости мамлакатлари халқларининг барчаси унинг номини эшишибоқ қўркув ва таҳликага тушар, энг гўзал жувонлар ва қизлар бир лаҳзага бўлса ҳам унинг қули бўлишни орзу қилишар эди...

Ер юзида сендан журъатлироқ, донгдорроқ, баҳтиёрроқ, инсон бўлмаган, буғдойранг юзли, чўғ нигоҳли Жабройилга монанд, ақлу заковатда подшоҳ Сулаймон каби доно, шукуҳли Темурбек. Сенинг бошингдаги салланг ипаклари жаннат гўзалликларини эслатар, унга қадалган лаъл етти хилда жилонар ва товланар эди”<sup>1</sup>.

Иван Бунин ҳикоясида тасвирланишича, буюк саркарда кўплаб халқлар ва мамлакатлар тақдирини ўзига бўйсундиради, лекин бирданига унда хукмронликка бўлган қизиқиши сўнади. Шафқатсиз қазо яқинлашаётганини ва ўлим олдида ўзининг ожизлигини англаган Жаҳонгир Яратганинг иродасига бўйсунади. Соҳибқирон ўзининг ақли, фаросати, ку-кудрати билан ярим дунёни ўзига тобе этади, лекин ўлимни енга олмайди. Ҳақиқатан ҳам, инсон қанчалик буюк бўлмасин у инсонлигича қолаверади ва ҳамиша ўлим олдида ожиздир. Иван Буниннинг ушбу ҳикоясини мутолаа қилас эканмиз, кўз ўнгимиизда авлиёсифат покдомон зот, ўз тақдирини Парвардигорга ишонган имонғэътиқодли шахс гавдаланади. Худонинг иродаси банданинг қудратидан юкори эканига, курашишнинг бефойдалигига Темурхон иқор бўлади. Зоро, у буюк фотих, шу билан бирга Аллоҳни унутмаган инсон ҳамдир.

Асарнинг ёзилишида Иван Бунин Амир Темур ҳаётидан олинган автобиографик маълумотлрадан фойдаланганини таъкидлаш лозим. Гап шундаки, Соҳибқирон ҳақидаги маълумотлар XIX асрда Н.П. Остроумов томонидан рус тилига таржима қилинган.

<sup>1</sup> Бунин И. А. Собрание сочинений в 9 томах, Т.1. –Москва: “Художественная литература”, 1967. – с.357. – Уибӯ парча маржимаси бизниси – М.Б.

Кейинги йилларда олиб борилган тадқиқотлар “Темур тузуклари” асари эски ўзбек тилида ёзилиб, сўнг форс тилига таржима қилинганини кўрсатди. Бу фактлар “Темур тузуклари”нинг форс тилидаги вариантини текстологик таҳлил қилиш орқали аниқланди. Шубҳасиз, рус адиби Амир Темурнинг қуч-қудрати ва шиддат-шижоатига, метин иродаси ва мустаҳкам эътиқодига тан берган. Шу боис айни жиҳатларни ўз асарларида Саъдий, Фирдавсий ва Шарқ адабиётининг бошқа намояндалари асарларига кўп мурожаат қилган, улардаги парчалар, жумла ва иборалар, ҳикмат ва маталларни ўз ижодида қўллаган. Шунингдек, Шарқ халқларининг ҳикматли сўзлари ва мақоллари, Қуръони карим оятларини ҳам Иван Бунин асарларида кўплаб учратиш мумкин.

Ҳар қандай интеллектуал муносабатлар турли даврларда ёзилган матнларнинг бир-бирига сингиши натижаси сифатида намоён бўлади, албатта. Янги қатлам эскисини янгилаб боради, натижада мураккаб полифоник кўповозлилик дунёга келади. Иван Бунин 1911 йили “Пайғамбарнинг вафоти” асарини ёзган. Ҳикоя анъанавий диний мавзуда бўлиб, ҳаётнинг фонийлиги ва бебаҳолиги, ўлимнинг ҳақлиги унинг асосий ғоясини ташкил қилади. Бу масалани Иван Бунин Шайх Саъдийнинг қуидаги сўзлври билан тасдиқлайди: “ажал элчиси чўпоннинг илтижосига ҳам, фотиҳнинг иродасига ҳам бўйсунмайди. Тўхта: ўлгандан сўнг фикрларга бой бош чаноғимиз тупроққа қоришдаи, ўлим ҳоқон эмас, Сен Отабек Абубакр эмассан: ундан ҳаётингни сотиб ололмайсан”<sup>1</sup>.

Иван Бунин кейинчалик ҳам Шарқ халқлари ҳаёт тарзи ҳақида шеърий ва насрый асарлар ёзган. Унинг 1911 йилда эълон қилинган “Фарёд” номли ҳикоясида фарзандини урушда йўқотган отанинг руҳий ҳолати очиб берилган. 1924 йилда ёзилган “Қайғу” ҳикояси эса Мисрнинг қадимги фожиавий тарихига бағишлиланган.

Мухтасар айтганда, Иван Бунин кўхна ва навқирон Шарқ тарихи, бу минтақада яшаган, ижод қилган буюк шахслар, уларнинг илмий, бадиий, тарихий асарлари мазмун-моҳиятига чукур кириб борган ҳамда бошқаларни ҳам шундай йўл тутишга ун DAGАН.

Иван Буниннинг Шарқ мамлакатларига етти марта сафар уюштиргани, Амир Темур лаълининг етти хил жилоланиши, бутун оламнинг етти қунда яратилиши – рақамлар сир-синоатига шарқона асосда теран фалсафий-илоҳий ёндашув билан боғлиқ бу каби воқеликларнинг барчаси адиб асарларида ўзининг ёрқин ифодасини топган. Натижада у “Шарқ – қуёш мамлакати, келажак – Шарқники”, деган холосага келган<sup>2</sup>.

---

1 Бунин И.А. Собрание сочинений в 9 томах, Т.1. – Москва: “Художественная литература”, 1967.-с.193. – Ушбу парча таржимаси бизниси – М.Б.

2 Уша манба.- с.127. - Ушбу парча таржимаси бизниси – М.Б.

